


宋國錄流塘詹先生集
三卷附錄一卷

宋詹初撰
清初抄本
四冊

本部书开始

书 号 7706

本片卷含



曝書亭藏書

吳川珍秘

癸未林得之
琉璃廠書坊

詹先生集謹久
雖影字印刻實
至寶也

精鈔善本

宋國錄流塘詹先生集三卷

秘帙

目

錄

卷

一

翼學

序經

卷

二

日錄上

日錄下

卷

三


詩



附錄
 先公是書有刻本有寫本歲久
 承傳互有訛字今以刻本為正
 間有殊者悉註於下以俟君子
 定焉

目錄終


宋國錄流塘詹先



卷



孫



璧刻

翼學

大道章第一


衛即所謂造化之樞紐品
 彙之根抵者無極太極是
 已大者言舉天地萬物無
 一不包括於中也以天地

萬物而根本於一理以一
理而散見乎天地萬物所
以曰大道過此則為老氏
之方虛矣首著大道篇所
以正老氏論道之失而澄
道學之源也

大術無形不離乎形大道無聲不
離乎聲形聲器也大道理也外器
言理無之也即器為理有之也有

術理也外器言理無之也即器為
理有之也有無合一道無往而不
在蓋將以正老氏之失即此可知
其餘矣先生諱初字以元壘係休
寧之流塘乃知紫陽之後又有此
人也按籍君所著凡二十一卷悉
燬於火今所存纔數帙鼎嘗一鑿
已知其味固不在多也諸生考其
淵源所自仰止服膺而弗失庶無

忝於先生之鄉人亦可以徵講季
 學不為迂也已書以畀之
 嘉靖丁巳歲仲夏上浣龍溪王畿
 書



平生持金陽時
 書三十季未落筆
 齊餘固語思
 齊勤辭韻葛
 考集撰錄壇
 魚華多氏識

翼學序經雜錄
 靖丁巳夏予過休寧與諸生會
 建初山房詹生景鳳在講下一
 日出其先世季錄君翼學序經雜
 錄一編乞予一言以章之予觀大
 旨其大道諸章雖沿習諸子緒言
 而間有所發末章名儒以儒者人
 之需也往聖需之以繼後季需之
 以開隱然以晦翁道脉為已任可



休寧縣志
 卷之六
 藝文志
 序



謂勇矣序經則做諸序卦雜錄則
做諸儒先遺書而時有所折衷非
湯語也宋饒魯李士英二先生皆
有手書跋語君為冷官其辨邪正
一疏敢於犯時諱觸權貴而不顧
使其當塗任顯職又將何如其為
心耶信乎任道之勇可以為難矣
其論大道云大術無形不離於形
大道無聲不離於聲形聲器也大

無合一道也道無往不在天在
地在人在物在天地之先而無始
在天地之後而無終
天地雖大道中之物也吾心雖靈
自道視之亦物也物者器也道也
者天地之所以大吾心之所以靈
者也故曰道者物之神物者道之
寓也以是知道無在無不在有在
者物也道無有無不有有者物

也故君子貴得道而忘物

原天章第二

道有自乎曰有奚自曰天天與人
言乎曰河出圖洛出書非天不言
之言乎天無言聖人者代天而言
之然則求道者必欲求之天不亦
遠乎曰天何遠哉天以其心之生
生人人之心即天也心天之体本
自然下不著之無欲而靜吾心生天之

用也也自然下有註無欲而動吾心求
天者求之心不亦近乎

盡人章第三

至大者天也至廣者地也天地之
間至貴者人也以人之小與天地
並則不以其形也可知矣故人之
所以為人者必以道道也者至大
至貴廓之配天地故人盡人之道
則為人而可以與天地並違人之

道則非人而不可以與天地並矣
嗚呼人不可以與天地並則謂其
與禽獸並不可乎

辨時章第四

人有言曰升降者時也余則以為
時之升也非時升也人升之也時
之降也非時降也人降之也故三
皇生則皇矣五帝生則帝矣三王
生則王矣五伯生則伯矣豈三代

以前之時常升而三代以後之時
常降乎存乎其人而已矣故曰有
隕自天志不舍命也

性德章第五

仁義禮智性之德也人之生未有
不備也不備氣質之偏非性也性
之本然不以偏者欠焉善反之則
偏者全矣故曰仁遠乎哉我欲仁
斯仁至矣

學至章第六

道學而已矣學敏而已矣學則知不學則不知也敏則至不敏則不至也子曰學而時習之不亦悅乎又曰我非生而知之者好古敏以求之者也書曰念終始典于學則聖人雖生知未有不學也未有不敏也未有不終於敏也故君子莫大於敏學

克己章第七

或問為學之要曰一問守一之要曰去其二之者而已二之者何曰已二之者也克己則二者去二者去則一矣一則純二則久二則聖矣何謂已何謂克曰已者吾所本無者也克之也功孔子告顏子矣

君臣章第八

孔子曰君使臣以禮臣事君以忠

然則臣不忠君將無禮乎君無禮臣將不忠乎孔子之意正不如是禮者君之道忠者臣之分君不期臣之忠否也必以禮臣不期君之禮否也必以忠臣罔忠君猶有盤水加劍之禮况忠乎君無禮臣雖剖心而不變况禮乎各盡其道而已矣

或問何謂忠曰有官守者盡其職

有言責者盡其言何謂禮曰禮非但尊爵重祿之也諫行言聽以誠相與禮之大也君禮臣忠是之謂上下交而志同也非同私也同其公君有可而臣可不足以為同君有可而臣否不足以為異是之謂大同大同者理非迹也

上治章第九

斯民也三代之所以直道而行也

在乎為人上者有以治之耳上治
之下罔有不治者上治必自自治
始反身脩德自治之道也先之勞
之治人之術也故君子以已率人
則治以令一本令率人則否

名儒章第十

儒者人之需也上為君需之下為
民需之前聖需之以繼後學需之
以開是儒者之道大而儒者之任

重也自孟子後盡儒之實者鮮矣
吾聞董楊王韓馬董子近儒之心
楊子近儒之學有其心者義或未
盡不失為聖人之徒有其學者虧
其節吾不識所學者何也王文仲
自擬孔子而上十二策志則誕時
則昧矣韓子自比孟氏而三上書
兩及門其未達孟子之進歟明先
聖之道繼先聖之統吾惟周程張

矣周程張之後朱子集其成其大
舉其重勝矣生朱子之後者助乎
勗乎吾竊有志焉而力未之逮也

序經

論語上篇

君子之學天德王道而已矣無一本
字學而天德也為政王道也故學
而第一而為政次之為政之道莫
先於禮樂大夫僭禮樂之道壞故
八佾次之里仁所以救僭亂之風
也故里仁次之仁之為道困而不
失其所亨故公冶長次之雖在縲

綫之中無損於其心也然仁之為道不惟可處困而實可以履帝位故雍也南面次之人君之居南面莫善於鑒成憲而莫病於亂舊章故述而不作次之商紂作聰明以亂舊章者也太伯當其時安其分可謂至德也已矣至德莫大於仁聖而夫子曰我未見好仁者曰聖人吾不得而見之矣聖人盡性至

命者也惟其難故夫子罕言之利害仁者也害仁無以進於聖故夫子罕言之鄉黨夫子之常言常行也依乎此則一動一靜皆有道而利欲不能害仁可造命可至矣故上篇以是終焉

論語下篇

禮樂二者不可斯須去身故君子致禮以治躬致樂以治心先進禮

樂之準也後進禮樂之弊也故聖人從先進而先進首焉禮樂具則躬心之道得而仁故顏淵次之仁之為道非但體之於身加之於民可以為政矣故子路次之仁未体不可以從政也治亦進亂亦進穀則耻矣故憲問耻次之耻者耻其徒穀也然徒穀不惟下之人而上之人亦有之衛靈公之為君上失

其道者也然世道之降不特諸侯為然而大夫亦有之季氏伐顓臾大夫之亂極矣故季氏次之大夫僭諸侯而倍臣僭大夫亦勢所必致者故陽虎亂而季氏囚天下之亂極矣小人之道長君子之道消矣微子去之箕子為之奴比干諫而死消之極也故微子次之繼之以子張者挽回君子之道在乎士

之自立行而已士行立則可以達
天德天德立王道行矣堯舜之中
天德王道之極也聖賢萬世相傳
之心法也故下篇以是終焉

